



Mala Høy Kúko  
Inatsisartunut ilaasortaq, Siumut

## Tusagassiuutit pillugit – § 37 naapertorlugu apeqqutip nr. 37/2023-p akineqarnera

Asasara Mala Høy Kúko  
Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

**Apeqqut 1:** *Aviisinut naqitigassaasorpianut, tassa nutaarsiassatut aviisinut taamaallaat aningaasat tapiissutit atorneqarsinnaatitaasut, katillugit qanoq annertutigippat?*

### Akissut:

2023-mi 1.318 mio. kr.-t kontomut pingaarnermut, 40.94.29 Nunatsinni tusagassiuutinut naqitanut ingerlatsinermut tapiissutit-nut, immikkoortinneqarsimapput.

**Apeqqut 2:** *Namminersorlutik Oqartussaniit, pisorta qarfiillu allanniit, "Mediehuset Sermitsiaq.AG / Erhvervsdrivende Fond Sermitsiaq.AG"-mut ingerlataannullu tapiissutinik assigisaanillu ukiuni 5 kingullerni qanoq annertutigisumik aningaasalerneqarnikuuppat?*

### Akissut:

Mediehuset Sermitsiaq / Erhvervsdrivende Fond Sermitsiaq.AG massuminnga qinnuteqareernikkut aningaasanut inatsimmit ukuningga pissarsisimavoq:

Ukioq:	Tunniunneqartut:
2022:	1.299.000 kr.-t
2021:	1.287.000 kr.-t
2020:	1.287.000 kr.-t
2019:	2.529.000 kr.-t
2018:	2.510.000 kr.-t

Aningaasat 2018-imit 2022-mut ukunangaaneerput: konto pingaarneq, 40.94.28 Nunatsinni tusagassiuutinut naqitanut suliniutitut tapiissutit, aamma konto pingaarneq, 40.94.29 Nunatsinni tusagassiuutinut naqitanut ingerlatsinermut tapiissutit.

**Apeqqut 3:** *Aviisinut naqitigassaasorpianut, tassa nutaarsiassatut aviisinut, aningaasat tapiissutit taamaallaat atorneqarsinnaatitaasut, ukiuni kingullerni ingerlatsivimmut "Mediehuset Sermitsiaq.AG / Erhvervsdrivende Fond Sermitsiaq.AG"-imut qanoq annertutigisut tapiissutigineqarpat?*

17-02-2023  
Suliap normua 2023 - 2868  
All. nr. 22468778

Postboks 1029  
3900 Nuuk  
Oqarasuaat: +299 34 50 00  
Email: [ikin@nаноq.gl](mailto:ikin@nаноq.gl)  
[www.nаноq.gl](http://www.nаноq.gl)

**Akissut:**

Aningaasat tamarmiusut Mediehuset Sermitsiaq-mit / Erhvervsdrivende Fond Sermitsiaq.AG-mit qinnutigineqarlutik ukiuni kingullerni tallimani pissarsiarineqarput.

**Apeqqu 4:** *Naalakkersuisut pissusissamisootippaat silaannaap allanngoriartornera ilutigalugu, immikkorpiaq aviisinuinnaq nutaarsiassaqaarnissamut naqitigassaasunuinnaq aningaasanik atuinissaq, naak nalunagu naqitikkat nunanik allaniit sap. akunneranut arlaleriaq timmisartukkut tikisinneqartartut?*

**Akissut:**

Mediehuset Sermitsiaq.AG-mi siulersuisut 2011-mi akit pissutigalugit aviisit islandimi naqiterneqartalernissaat aalajangiussimagaat Naalakkersuisut ilisimavaat. Naalakkersuisut siulersuisut taassuminnga aalajangernerannut akiliusinnaatitaanngillat.

Inatsisartut UKA2022-mi Tusagassiorfinnut tapiissuteqartarneq pillugu Inatsisartut inatsisaat nr. 14. 21. november 2022-meersoq (Suliniutinut tapiissutit pillugit maleruagassanik atorunnaarsitsineq) akuersissutigaat. § 1-imi allassimavoq Naalakkersuisut qinnuteqartoqareerneratigut nuna tamakkerlugu tusagassiuutinut, tusagassiuutinut naqitanut inuiaqatigiinni paasissutissanik, oqallinnernik tamat oqartussaaqataaffigisaannik tusagassianilu tamatigoortitsinissamik siammarterinissamut siunertaqartunut ingerlatsinermut tapiissutit aningaasanut inatsimmi aningaasaliissutit killigalugit ukiumut tapiissuteqarsinnaasut.

§ 16-imi ingerlatsinermut tapiissutit atuuffii tapiissutisinissamullu piumasaqaatit pillugit maleruagassanik aalajangersaasoqarpoq. § 16-imi aalajangersakkat akornanniippoq, tusagassiuut minnerpaamik qaammammut ataasiarluni nuna tamakkerlugu naqitanik saqqummersitsisarnissaa tapiissutisinissamut piumasaqaataasooq.

Aalajangersagaq piumasaqaammik aalajangersaasoq ingerlatsinissamut tapiissummut atueriaatsimik aalajangersimasumik piumasaqaateqartoq ingerlatsinissamut tapiissutit aviisimut atugassanngortinneqarsimaneranut atatillugu soorunami nalilersorneqassaaq, taassumami suuussusaa suli pappiaranngorluni saqqummertarmat.

Taassuma saniatigut Naalakkersuisut tusagassiuutit aviisinngorlugit naqinneqartarnerinut atatillugit periarfissat avatangiisinut mingutsitsinnginnerusut pillugit tusarnissamut ammajuaannarput.

**Apeqqu 5:** *Naalakkersuisut pilersaaruteqarpat tapiissut taannarpiaq aviisinuinnaq nutaarsiassaasunut atuutsinneqartup, aamma allanut nutaarsiasseeriaatsinut siammartissinnaanissaa?*

**Akissut:**

Naalakkersuisut tapeeriaatsip aviisunik pappiaranngitsunik ilanngunneqartalernissaanik allanngortinnissaanut soqutiginnittoqarnerisooq pillugu tusarnissamut ammajuaannarput.

Naalakkersuisut taassuma saniatigut oqaatigissavaat aviisit pappiaranngorlugit naqitat akiliilluni elektroniskinngorlugit pissarsiassanngortinneqartarmata, soorlu Sermitsiaq.AG-p aviisii.

Naalakkersuisut aviisit nunamut tamarmut tunngassuteqartut inuiaqatigiinnit tamanit paasineqarsinnaasunngortikkusuppaat. Naalakkersuisut inuiaqatigiinni internetikkut tusagassiuutinik atuisut kikkut tamarmiusorinngilaat.

**Apeqqut 6:** *Tusagassiorfinnik Nunatsinni aallaavilinnik nutaanik nutaaliaasunillu nutaarsiassiisartunik pinngortitamullu mingutsitsinnginnerusunik pilersitsisoqarnerulerpat, Naalakkersuisut isumaqarpat tamat oqartussaaqataaner at nukittorsarneqassasoq?*

**Akissut:**

Naalakkersuisut qinnuteqartoqareerneratigut nuna tamakkerlugu tusagassiuutinut, tusagassiuutinut naqitanut inuiaqatigiinni paasissutissanik, oqallinnernik tamat oqartussaaqataaffigisaannik tusagassianilu tamatigoortitsinissamik siammarterinissamut siunertaqartunut ingerlatsinermut tapiissutitut aningaasanut inatsimmi aningaasaliissutit killigalugit ukiumut sulii tapiissuteqarusupput.

Kisianni Naalakkersuisut tusagassiuutinik Kalaallit Nunaanniittunik nutaanik ullutsinnut naapertuuttunik allanik avatangiisinut mingutsitsinngitsumik nutaarsiassiisinnaasunik tusagaqarusupput. Naalakkersuisut tusagassiuutinut taperneqarnissamut qinnuteqaatinik Sermitsiaq.AG-p saniatigut allanik ulloq manna tikillugu sulii tigusaqanngillat.

**Apeqqut 7:** *Kalaallit Nunaanni aallaavilinnik "Mediehuset Sermitsiaq.AG / Erhvervsdrivende Fond Sermitsiaq.AG"-mut attuumassuteqanngitsunik nutaarsiassaqaqtitsiveqarpa?*

**Akissut:**

Naalakkersuisut tusagassiuutinik Kalaallit Nunaanniittunik allanik Mediehuset Sermitsiamut / Erhvervsdrivende Fond Sermitsiaq.AG-mut attuumassuteqanngitsunik ilisimasaqanngillat. Naalakkersuisut ukiuni kingullerni tallimani tusagassiuutinut taperneqarnissamut qinnuteqaatinik taamaallaat Sermitsiaq.AG-meersunik tigusaqartarsimavoq.

a) *Peqarsimappat tapiissutinik pineqartunik qassit qanorlu annertugisunik pisarnersut akeqquneqarpoq.*

**Akissut:**

Apeqqummut 7-imut akissut takuuk.

Inussiarnersumik inuulluaqqusillunga



Peter Olsen